

et de Rialto, et ogni anno in Gran Conseio el primo Conseio dil mexe de zener.

Da poi sier Nicolò Carlo nodaro di sier Gabriel Venier, sier Piero Morexini, sier Zuan Contarini avogadori extraordinari fo publicà la condanason presa in la Quarantia novissima come criminal contra sier Hironimo Malipiero fo soracomito, *videlicet* di sier Zuane, la copia sarà qui.

Da poi sier Nicolò di Gabrieli secretario di sier Anzolo Cabriel, sier Alvise Badoer et sier Stefano Tiepolo fu publicà le condanason fate in le do Quarantie contra sier Polo Nani fo proveditor general in campo, Zuan Andrea da Prato colateral et sier Francesco Gritti fo pagador in campo, la copia *etiam* s'erano qui, et mai più in uno zorno a Gran Conseio fo publicà tante condanason quante hozi.

Fu posta la parte per li Consieri presa in Pregadi, far proveditor zeneral in Cipro. Ave: 1405, 96, 12.

289* Da poi andato a capelo intrò scurtinio dentro, per far Avogador de Comun in luogo de sier Francesco Morexini, aceta podestà a Brexa, et ussite sier Giacomo da Canal è de Pregadi, qu. sier Bernardino, de 2 balote, da sier Zuan Dolfin fo avogador, qu. sier Lorenzo, qual non volea esser, et rimase *etiam* in Gran Conseio.

Item, fu fato proveditor zeneral in Cipro et vicecapitano a Famagosta sier Stefano Tiepolo, et questo per haverse portà ben in menar sier Polo Nani et li altri, et il scurtinio è questo, et tutti voleva andar.

187. *Scurtinio di proveditor zeneral et vice capitano in Famagosta.*

Sier Piero Valier fo consier in Cipri,
qu. sier Antonio 70.117

Sier Polo Valaresso fo podestà a Bergamo, qu. sier Gabriel 66.120

† Sier Stefano Tiepolo l'avogador extraordinario, qu. sier Piero 115. 74

Sier Agustin da Mula fo consier, qu. sier Polo 85.104

Sier Michiel Morexini fo proveditor sopra l'Arsenal, qu. sier Piero —.109

Sier Zuan Moro fo proveditor de l'armada, qu. sier Antonio 108. 76

Sier Domenego Capelo fo consier, qu. sier Carlo 106. 82

Sier Filippo Salamon fo di la Zonta, qu. sier Piero 58.152

I Diarii di M. SANUTO. — Tom. LV.

In Gran Conseio.

Proveditor zeneral in Cipro et vice capitano in Famagosta.

† Sier Stefano Tiepolo l'avogador extraordinario, qu. sier Polo, dopio . . . 919.453

Sier Agustin da Mula fo consier, qu. sier Polo, tolto per so fiol 755.622

Sier Zuan Francesco Badoer è di Pregadi, di sier Giacomo, qu. sier Sebastian el cavalier 430 840

Sier Piero Valier fo consier in Cipri, qu. sier Antonio 485.888

Noto. Sier Agustin da Mula predito è zerca un anno rimase luogotenente in Cipro et refudoe, mo voleva andar et è cazudo.

In questo Conseio, per sier Piero Mocenigo avogador di Comun, fo visto procurar per Conseio sier Antonio Zane qu. sier Francesco, qual veniva avvocato grandando et lo menò a la Signoria et fo mandato zoso a la leze, privà per 6 mesi de Gran Conseio, et non fo balotà avvocato.

Da poi l'andar a capelo zonse uno bregantin da Ragusi, con lettere da Constantinopoli, dil Zen, orator et vicebaylo, di 29 et 30 zener, et *etiam* fo lettere in zifra, drizate a li Cai di X. El Serenissimo lexe le *publice* et le altre fo mandà a trar la zifra, et da poi Conseio se reduse Soa Serenità con la Signoria in Collegio con li Savi in camera di palazzo, et lexeno le ditte lettere.

In questo Conseio, fu posto parte, per li Consieri, dar licentia a sier Nicolò Quirini podestà de Dignan de poter venir in questa terra per zorni 15 per sue importante facende, lassando in loco suo con la condition dil salario. Fu presa.

A dì 10 Marzo 1532. In Gran Conseio. 290

Questa è una condanason de di 4 dil mese presente facta ne l'excellentissimo Colegio de XL Civil Novo deputado al Criminal, contra el nobil homo sier Hironimo Malipiero fo sopracomito, per el placitar dil nobil homo sier Gabriel Venier et Piero Morexini et sier Zuan Contarini avogadori de Comun extraordinari, per imputation de haver posto ne li sui conti apresentadi a l'oficio de 3 Savi molte partide de haver sopra biscoti falsamente et contra la verità. *Item*, de haver fato au-